

UNIVERZITET U TUZLI
Broj: 01-103-JN-10/22
Tuzla, 13.10.2022. godine

Na osnovu članova 69. stav (2) tačka d), 70. i 71. Zakona o javnim nabavkama BiH («Službeni glasnik BiH» broj: 39/14) i člana 65. stav (1) tačka r) Statuta JU Univerziteta u Tuzli broj: 03-730-1/17 od 03.02.2017. godine, a nakon razmatranja Zapisnika Komisije o pregledu i ocjeni ponuda broj: 01-103-JN-9/22 od 12.10.2022. godine, po punomoći Rektora Univerziteta u Tuzli broj: 01-2593-1/20 od 11.06.2020.godine Direktor za ekonomske poslove dana 13.10.2022. godine donio je

ODLUKU **o poništenju postupka javne nabavke**

I

Poništava se otvoreni postupak javne nabavke računarske i elektroničke opreme za Filozofski fakultet Univerziteta u Tuzli iz razloga što nijedna od primljenih ponuda nije prihvatljiva.

II

Ova Odluka stupa na snagu danom donošenja.

Obrazloženje

Univerzitet u Tuzli pokrenuo je postupak javne nabavke računarske i elektroničke opreme za Filozofski fakultet putem Otvorenog postupka javne nabavke broj: 01-103-JN-2/22 od 15.09.2022. godine objavljenom na Portalu javnih nabavki „E-nabavke“ broj: 795-1-1-76-3-97/22 od 20.09.2022. godine, web stranici Univerziteta i „Službenom glasniku BiH“ broj: 64/22 od 23.09.2022. godine.

U ostavljenom roku ponude su blagovremeno dostavila tri ponuđača „EMADO“ d.o.o. Sarajevo, „INGEL“ d.o.o. Tuzla i „STEP“ d.o.o. Tuzla.

Komisija za provođenje postupka javne nabavke pregledala je pristigle ponude i konstatovala slijedeće:

-Ponuđač EMADO doo Sarajevo je dostavio sve kvalifikacione dokaze zahtijevane tenderskom dokumentacijom ali ponuđena oprema nije u skladu sa zahtijevima tenderske dokumentacije kako slijedi:

Stavka pozicije broj 4 „Brand name office PC“. Ponuđač nije osigurao adekvatnu tehničku dokumentaciju za evaluaciju traženih karakteristika stavke broj 4. Umjesto konkretnih tehničkih podataka za stavku broj 4. ponuđač je dostavio kompletan ispis tehničkih specifikacija za Dellovu seriju Vostro 3910 (Dell Vostro Desktop Series) koja sadrži veći broj konfiguracija/opcija (npr. CPU u rasponu od 2 do 12 jezgri, RAM u rasponu od 4 do 64GB, Kapacitet skladišnog prostora označan samo kao „kapacitet do 2TB). U skladu s tim Ugovorni organ ne može utvrditi koju konkretnu opciju/konfiguraciju ponuđač stavlja kao ponudu te samim time nije bilo moguće ocijeniti validnost stavke pozicije broj 4. Stavka pozicije broj 5 „PC konfiguracija“. U stavskoj poziciji broj 5 ponuđač je u konfiguraciji ponudio procesor (Intel i3-11100) za koga je navedeno da je proizveden u 14 nm proizvodnom procesu što je u suprotnosti sa zahtjevom Ugovornog organa. Stavka pozicija broj 10 „Brzi HDMI kabl“ U stavskoj poziciji broj 10 ponuđač je kao HDMI kabl ponudio proizvod pod kodnom oznakom „ZED HDMI/10 EAN 3856001013771“, a da nije dostavio tehničke karakteristike ponuđenog proizvoda. Stoga Ugovorni organ nije bio u mogućnosti ocijeniti validnost proizvoda na stavskoj poziciji broj 10 na bazi dostavljene dokumentacije ponuđača. Naknadnom provjerom tehničkih karakteristika HDMI kabla na stranici proizvođača utvrđeno je da ponuđeni proizvod ne zadovoljava kriterijima koji su postavljeni od strane Ugovornog organa.

Zbog naprijed navedenog ponuda ponuđača EMADO doo Sarajevo se odbacuje kao neprihvatljiva.

- Ponuđač „INGEL“ doo Tuzla je dostavio sve kvalifikacione dokaze zahtijevane tenderskom dokumentacijom ali ponuđena oprema nije u skladu sa zahtjevima tenderske dokumentacije kako slijedi:

Stavka pozicije broj 4 „Brand name office PC“. Ponuđena stavka ne udovoljava postavljene zahtjeve u slijedećem: Broj USB 2 portova je manji od traženog broja. USB port C nije odgovarajuće generacije. Ponuđeni monitor (Acer B227Q Abmiprx) nema antirefektivnu zaštitu (Anti-Glare).

Stavka pozicije broj 5 „PC konfiguracija“. Ponuđeni monitor (Acer B227Q Abmiprx) nema antirefektivnu zaštitu (Anti-Glare).

Zbog naprijed navedenog ponuda ponuđača „INGEL“ doo Tuzla se odbacuje kao neprihvatljiva.

- Ponuđač STEP doo Tuzla je dostavio sve kvalifikacione dokaze zahtijevane tenderskom dokumentacijom ali ponuđena oprema nije u skladu sa zahtjevima tenderske dokumentacije kako slijedi:

Stavka pozicije broj 4 - ponuđeni HDMI port ne odgovara traženim specifikacijama Ugovornog organa (HDMI 1.4b). Monitor ne posjeduje traženi Display port. Stavka pozicije broj 5 - monitor ne posjeduje traženi Display port

Zbog naprijed navedenog ponuda ponuđača STEP doo Tuzla se odbacuje kao neprihvatljiva.


Zbog svega navedenog Komisija je dala preporuku Direktor za ekonomske poslove Univerziteta u Tuzli da predmetni postupak javne nabavke poništi u skladu sa odredbom člana 69. stav (2) tačka d) Zakona o javnim nabavkama BiH iz razloga što nijedna od primljenih ponuda nije prihvatljiva.

Cijeneći izneseno Direktor za ekonomske poslove Univerziteta u Tuzli prihvatio je preporuku Komisije i odlučio kao u dispozitivu ove Odluke.

Pravna pouka: Protiv ove Odluke može se podnijeti žalba URŽ-u putem ugovornog organa Univerziteta u Tuzli u roku od 10 (deset) dana od dana njenog prijema, na adresu dr. Tihomila Markovića br.1, 75 000 Tuzla.

Prilog: Zapisnik o pregledu i ocjeni ponuda broj:
01-103-JN-9/22 od 12.10.2022. godine

DOSTAVITI:
1x učesnicima
1x a/a



DIREKTOR ZA
EKONOMSKE POSLOVE
Husein Matović
Husein Matović, dipl. oec.